

8.762

AM/8/113

S. Molisa

M. Setara

(P. b. n. f.)

0-16

Dress in Molepo's Tribe.

Diaparo le dikgabiso.

~~762~~ 34/113

21.

3 2.

4 3

Diaparo tsa banna di na le mehuta. Banna ge ba setse ba godile o ka no hwetsa monna a hloboletswe tshwe-tshwe-tshwe! a diile seo tswara setsiba feela, gomme setsiba seo monna o swanetsego se tswara e ka ba sa pudi, goba sa nku goba sa phudufudu, phuti le diphoofolo tseo di tswarwa ke banna ba ba wetsego feela ba ka tsea mokgopa wa phudufudu nku, pudi, phuti, kane ba o ba pla ba o kokotela ka meutloa gomme ge o setse o omile gona fao ba tla tsea petlwane ba, fala boya wjo ka hlokomelo, gomme ba tla re ge ba o fala ba re kowa go ya magetleng ba setelelsa dihlabane gabotse ba se ke ba fala maboya kamoka, gomme kowa go ya hlogong ba fala kamoka gore ba tle ba kgone go ngatetsa go se na boya, ga e le mmele wa mokgopa wona wa setsiba o tla falwa kamoka, ntshela le mola ga dihlabane o tla falwa gammogo go fihla kowa dinotlong gwa se ke sewa falwa (dinomong) gore a tle e tsebe go tswara setsiba ka ntle le/gare ge a tswara e le bosego ka maboyana ao a sadisitswego, gomme se tla rre ge se feditswe go falwa sa sogwa ge se setse se budule go tla kgatlwa ditshidi tsa diya mmapa, ge dikgatliwe di bonagala gore di budule go tla tshelwa metse ka motseganeng goba ka lesapelong gomme gwa solwa ditshidi tsela di bego di kgatliwa ka lwala la mmapa tsa solelwa ka mola metseng ale a bego ka gare ga motsegana gobaka lesapelong gomme ba diya lefehlo la mmapa ba o fehla gona fao ba tlare ge ba e fehlile mmapa bare mosadi a ba silele letsoku, etse mapa ona ge o fehlilwe e tla dio goba moswana mo erego ke mafsi a lebesa, ba tla napa ba ba tseya mmapa o la ba tshela setsiba ka meetse, gomme ge se thapile ba thwapa letsoku lela lamenwana ba tshela ba noka-noketsa, kandle le ka gare ba sekeletsa mo go lego boya feela, gomme ba thoma ba se sogwa ga pe, sa butswetsa ruri ge se budule ba napa ba se seta gabotse ka makgethe ba tseya mohlantsho ba se hunela ka ona ba tswara mohlantsho ke letlalo leo le biuwago mo mogodung wa kgomo, ba le sogwa ba tsare ka lona ge ele setsiba sa nku

sona, ga se falwe maboya, ba dio fala ka mo makgathong ga dihlaba feela sa napa sa sogwa ka ona mokgwa o bjalo gomme sa tswarwa, setsiba ge se setse se sogilwe gomme dihlaba tsa sona di nyakelwa motshela wa go kgona go sega (mosegi) gomme setse se tswarwa ke ona motswaro wa banna bao ba wetsego kantle le masoboro, bona banna seaparo a ka no soga mokgopa wa pudi goba wa nku a lahlela magetleng a apara seo ke mokgwa wa banna ba wetsego feela.

Ga ele masoboro ona ba tswara phaga, letolo feela tsona ge ba di hloba/^{ga}ba fale ka pello, ba dio dihloba maboya ka dinale le bona ba sadisa dihlaba ka mokgwa o o bjalo dihlaba tsa tsona tsona ga di segwe ka mpaka di dio kanywa; ke masoboro a a phethage tsego ao, ga e le mmeleng ga ba apare selo ba dio sepela ba hloboletswa.

Basimanyana bona ba ka no tswara diputsanyana le dikwana diphutsana le megotla le dikhopane. Lesoboro le ge le ka gola bjang le bjang molao wa sesotho go o le dumelle go re le ka tswara setsiba seo se tshitswego letsoku, le gotse se ka mpa sa tswara ke mosimanyana le yena o tswara ke seo se setsego se kile sa tswarwa ke monna gomme ge se tse se hlagetse se thuthilwe se (hlatswetswe) se tla setiwa sa setelwa go lekantsha mosimane a tswara athena pudi ye ya go diela banna setsiba ga e ke e ba ye kgolo e noba phokwana goba aethonyana eo e ke lekanago setsiba ke tsona diaparo tsa banna.

Tsa basadi.


Ga e le tsa basadi diaparo ge ba soga thetho ba dio tseya tshadi ye kgolo goba phooko ba e soga e le go mekgopa ya dipudi gomme yona e dio sogwa ga e falwe maboya, gomme yona e tla dio sogwa e sokollelwa theko ya thetho e sa sogilwe ka mokgwa wa setsiba, me le yona e tla dio go tshelwa mebapa le matsoku gomme ge e fedile go segwa e tla rokwa ya bapolwa gomme ge e bapotswe e tla setwa kamo matheko masoba a meetlwa hong ya napa ya ba thetho mosadi a tswara. Ge ele thetho yeo e dielwago bothakga yona ba tla nyaka motshela yeo a kgenago go tloka a e tloka ke gore

ga se banna ka moka bao ba kgonago go sega
 le go tloka go dio ba le banna bao ba e bego ba segi bangwe
 e bego ba tloki, motho a kano kgona go tloka feela gomme
 a sa kgone go sega, athena basegi bona ba kgona le go tloka.
 Motho ge a kgona go sega dithetho ke motshela wa phethagetsego
 wa dithetho, gomme kobo ge e setse e tlokil e e tla boeletswa
 ya hlatswiwa matsoku ale, gomme ya segiwa, gomme ya isiwa
 motsheleng ea segiwa ya ka boswa, yona ge phethagetse ke kobo
 ya monyanya ke ya go tswariwa ge go iwa menyanyeng ea dingwetsi
 le meeteng (themong ea mosate, ge e le mose ba tla soga
 mokgopa wa kgomo ba sega mosewa ona. Thetho eo e se seng
 ea tlokwa bao ba nyakang go e diya ya monyanya ba ka e rara
 ka dipheta yeo e se seng ya tlokwa gomme mothepa ge a se se
 a bekwa, a ka se ke a ba tswara thetho, thetho e tswarwa
 ke mosadi eo a bekilwego gape le gona mothepa ge a bekilwe
 ba bogadi ba tla re ge e setse e le lebaka la gore a tware
 theko ba tla mo sogela thetho gomme o tla ya gagabo, ba re
 o ya go tsola lekgabe. Mothepa ga a ke a tswara thetho bogadi
 gape ga a ke a tsola lekgabe bogadi ge a bekwa o tswela a
 tswere makgabe a ditshaka a boetse gomme a tla re ge
 lebaka la go tswara thetho ge le fihlile gomme ba tla mo
 sogela thetho gomme ga e sogilwe e segilwe e phethagetse
 go tla diwa bjalana, me bja tselwa ka motse ganeng a napa
 a tloga le ngwanenyana a rwele bjalana le thetho ela ba tloge
 nayo ba tloge le ngwanenyana wa bogadi ba tsene mathapama
 kowa gagabo, mage mothepa o tla re mantseboya a botsa
 sebaka sa gagwe sa lala se tsebitsa basadi ba motse wa gabo
 gore le tsoge le e tla go ja bogobe bja ngwana gomme ba tla
 re go tsoga ba tla ba ja bogobe bja ngwana e tla re ge ba
 setse ba kgobokane

87



ele gosasa,gonne mosadi ola wa sebaka

a tseya bjala bjola a bo beya pele ga basadi ka motsegana
ke bjona bjo bo bitwago bogobe bja ngwana bja napa bja
songwa basadi ba re ngwana lena o tlile go tswara thetho
bogobe bja ngwana sebo ke ona molao wa go tswara thetho.



Bathepa (banyana)Dikgarebe) bona ba tswara
makgaba a mogaba le ya mouma le ya boetae.

Gape ke sona se tswaro sa bathepa gamago le mose gomme boetse
bjona bo tswarwa ke ba ba wetsego ge ele amathisa ona a ka
no go tswara moumo le magaba feela nakgaba a boetse ona a
diwa ka ditshaka a kokotelwe ka ditshaka dithuthu gomme ba-
thepa le banenyana ga bana se ba ka se aparago



mmeleng

ba dio sepela ba le bjale ga ese dipheta le ditswago le maseka,
gomme basadi bona ba apara mokgahlana ka morago wa nku
go ba wa pudi ona wa tlokwa gomme wa segiwa bjale ka thetho
ela, gomme wa aparwa ke yona thetho e bitswago mokgahlana
ge e sale e mpsya e apariwa ge go iwa monyanyeng/ba dio
sepela feela le bona o ka dio hwetsa ba ile tshwe! Mo mmeleng
ga e se ditswaro le maseka mohlanong ba apere mokgopana
wa namanyana ke tsona diaparo tsa bona tsa mehleng ya pele.

Lehono lephepheng le le hlahlamang re e
tla ngwla seswantso sa setsiba ka ge re ile


762

6*

ra hloka sebaka 6*

sa go se swantsha ka kowa ditabeng tsa sona. K34/113

762



END. S. 762.